

張遜駟稿集



張 遜 駟 著

鵝湖出版社印行

遵駘鈔稿集

張 遵 駘 著

鵝湖出版社印行

康稿鈔驕遵

版權所有・翻印必究

著者：張	遵	驕
出版者：鵝湖	出	版社
發行人：徐		端
發行所：臺北市和平東路一段111號		
電話：322-1834	傳真：322-4840	
郵撥帳號：0104621~7號	袁保新	
印刷者：達雲印刷有限公司	電話：3880676~7	
登記證：行政院新聞局登記局版臺業字第3049號		
初版：中華民國83年6月		

訂價：新臺幣120元



張遵騶先生留影（時年52歲）

公逸表兄是我早年最初的思想啓蒙者之一。他是清末名相張之洞的曾孫，有家學根柢，一直研究我國傳統的思想史。五十年代，由上海復旦大學調到中國科學院近代史所，協助范文瀾同志撰寫《中國通史簡編》中的佛教史部分，深得范老器重。這由范老所寫序文中即可概見。

逸兄與先師陳寅恪先生宜屬交晚輩。在成都時，曾與先師屢有深談。先師詩中即曾有“與我傾談一夕後，恨君相見十年遲”句。（見《寒柳堂集》附《寅恪先生詩存》頁19，《十年詩，用听水齋韻，并序》，序文云：“乙酉【按：為1945年】七月，與公逸在話作也。詩凡四篇，篇有十年意，因以為名焉。”上引二句，見四篇中之第一篇第三四句。）期許之殷，可以想見。

逸兄晚年健康不佳，但仍精心研讀馬恩及列寧著作，有不少新體會。此書是他多年研究我國思想史過程中對原始資料之選錄，雖以“鈔稿”為名，但從選錄之編排，亦足見其國學功力之厚實，反映出對我國傳統思想文化認識與體會之深度。

他的強烈愛國主義思想感情，與先師頗多相似，蓋皆建基於對祖國傳統文化之深刻理解，而又絕非泥古不化、抱殘守缺，始終是向前看，探索“中國特色”的思想根源所在。有識之士固應心知其意，而善為之繼也。

石泉（劉通）謹識

1995.2.22；4月，見完細校收錄又略修正。

序

中國歷史前三代曰夏、商、周，後三代曰漢、唐、宋。明朝亡國乃中國歷史之一大變，故顧亭林有亡國與亡天下之辨。吾人由明亡可上通往古、下開來世，直至台灣之光復。今之青年其文化意識很難通至明亡。如不能通至明亡，至少應通至甲午之戰；如不能通至甲午之戰，至少亦應通至九一八。

吾友張遵騷先生晚年於病困之中廣讀群書，將其所注意者予以類鈔，共分兩卷。第一卷曰「中國傳統思想類鈔」，第二卷曰「晚明詩文選鈔」。吾人由第一卷可知中國歷史文化之政規道揆，由第二卷可知宋明理學影響士氣之大。此兩卷類鈔雖非個人之專著，然可喚醒吾人之通識。吾人若人手一編，時常觀覽，可了解中華民族生存之道，以及抗戰之所以勝利與夫台灣之所以光復。若需有文獻之徵引，則此兩卷類鈔可予人以最大之方便。如是，此鈔稿集雖非專著，然其價值實比一般庸俗、淺薄、無聊之妄作高得多多。茲逢鵝湖出版社為之出版之時，略抒數語發其指以為序，以識吾友之艱苦。時在民國八十二年十月十日也。

牟宗三 序于 台北

遵駟鈔稿集 目 錄

序言（牟宗三）	1
---------	---

第一卷 中國傳統思想類鈔

一、大同思想部分（計四十六條）	1
附：對於 ^此 正義戰爭的譴責（計二十三條）	14
二、民主思想部分（計九十二條）	24
附：甲：述民疾苦，斥豪吏惡（計三十七條）	55
乙：諷諫（計三十五條）	75
丙：史官與直筆（計六十條）	92
丁：劇論與詩四首（計八條）	115

第二卷 晚明詩文選鈔

劉光第賴義士傳書後（代序）	118
特選詩鈔（計三十七條）	120

後記	151
----	-----

第一卷

中國傳統思想類鈔

一、大同思想部分（附：「對戰爭的看法」）

「……大道之行也，天下爲公，選賢與能，講信脩睦，故人不獨親其親，不獨子其子，使老有所終、壯有所用、幼有所長，鰥寡孤獨廢疾者皆有所養。男有分、女有歸，貨惡其棄於地也，不必藏於己，力惡其不出於身也，不必爲己，是故謀閉而不興，盜竊亂賊而不作，故外戶而不閉，是謂大同。」

「……以天下爲一家，以中國爲一人。」（《禮記——禮運篇》）

(1) 孔子

「四海之內皆兄弟也」

「德不孤，必有鄰」，「三人行，必有我師焉。」

「有教無類」

「夫仁者，己欲立，而立人。己欲達，而達人。」

「性相近也，習相遠也。」

「己所不欲，勿施於人。」

「言忠信，行篤敬，雖蠻貊之邦行矣」

「居處恭，執事敬，與人忠，雖之夷狄，不可棄也。」（《論語》）

(2) 墨子

「各愛其國，不愛異國，故攻異國，以利其國，……若使天下交相愛，愛人若愛其身，……裕人之國若其國，誰攻，……故天下兼相愛則治」（《兼愛上》）

「夫愛人者，人必從而愛之，利人者，必從而利之，……不爲大國侮小國，不爲衆庶侮鰥寡，不爲暴勢奪穡人黍稷狗彘，……欲天下之治而惡其亂，當兼相愛交相利」（《兼愛中》）

(3) 孟子

「仁也者，人也，合而言之，道也。」

「仁者愛人。」「強恕而行，求仁莫近焉。」

「人皆有不忍人之心。」「無惻隱之心非人也。」

「大人者不失其赤子之心者也。」

「人皆有所不忍，達之於其所忍仁也。」

「親親而仁民，仁民而愛物。」

「老吾老以及人之老，幼吾幼以及人之幼。」

「大舜有大焉，善與人同，舍己從人，而取與人以爲善。」

「君子莫大乎與人爲善。」

「人能充無欲害人之心，而仁不可勝用也。」

「得道者多助，失道者寡助。」

「不仁而得國者有之矣，不仁而得天下者未之有也。」

「以力服人者，非心服也，力不贍也，以德服人者，中心悅而誠服也。」

「行一不義，殺一不辜而得天下，皆不爲也。」

「孔子曰：道二，仁與不仁而已矣。」

「墨子兼愛，摩頂放踵利天下爲之。」（《孟子》）

(4) 荀子

「四海之內若一家」(《儒效》、《王制》)(《荀子》)

「行一不義，殺一無罪，得天下不爲也」(《王制》)

(5) (漢) 穀梁赤

「……夾谷之會，孔子相焉。兩君就壇，兩相相揖，齊人鼓譟而起，欲以執魯君，孔子……視……齊侯曰，兩君合好，夷狄之民何爲來爲，命司馬止之，齊侯逡巡而謝曰，寡人之過也，退而屬其二三大夫曰，夫人率其君與之行古人之道，二三子獨率我而入夷狄之俗何爲。……」(《春秋穀梁傳》卷十一)

(6) (漢) 朱穆

「夫道者以天下爲一，在彼猶在己也」(《後漢書》卷四十三)

(7) (唐) 唐太宗

「仁孝之理，豈隔華夷」(《貞觀政要》卷五)

(8) (唐) 魏徵

「竭誠則胡越爲一體。」(《貞觀政要》卷一)

(9) (唐) 皇甫湜

「所以爲中國者，以禮義也；所以爲夷狄者，無禮義也，豈系於地哉，杞用夷禮，杞即夷，子居九夷，夷不陋矣。」(《皇甫持正文集》卷二)

(10) (唐)

「夫天生烝民，夷夏雖異，而所稟之性，或善或惡，復何殊哉？故仲尼稱『有教無類』，蓋謂是也。」(《冊府元龜》卷九六二)

(11) (唐) 皮日休

「公再與吳盟皆不書……公及戎盟於唐則書，吳實華族，其道夷也，以強要盟，不曰夷乎；戎實夷族，以道好盟，不曰華乎。」（《皮子文藪》卷三）

(12) (唐) 陳黯

「苟以地言，則有華夷，以教言，亦有華夷耶？夫華夷者，辨在心，辨心在察其趣向。有生於中州，而行戾乎禮義，是形華而心夷也；生於夷域，而行合乎禮義，是形夷而心華也，……盡華其心而不以其地而夷焉……。」（《文苑英華》「華心」）

(13) (宋) 李覯

「所謂夷者，豈披髮衣皮之謂哉；所謂夏者，豈衣裳冠履之謂哉。以德刑政事爲若耳，德勉刑中，政修事業，雖夷曰夏可也，反之則謂之夏可乎。」（《直講李先生文集》卷二十二）

(14) (宋) 蕭注

「夫人之相知，患其道不同，道同，雖夷貊亦可爲兄弟。」

(15) (宋) 蕭楚

「天無不覆也，地無不載也，仁民愛物，無華夷之限。」（《春秋辨疑》卷四）

(16) (宋) 張載

「民吾同胞，物吾與也。」

「凡天下疲癯殘疾惻獨鰥寡，皆吾兄弟之顛連而無告者也。」

「性者萬物之一源，非有我之得私也，惟大人爲能盡其道」是故立必俱立，知必周知，愛必兼愛，成不獨成。

「天體物不遺，猶仁體事無不在也。」

「大其心則能體天下之物，物有未體，則心爲有外。世人心止於聞見之狹，聖人盡性不以見聞梏其心，其視天下無一物非我。孟子謂盡心則知性知天，以此天大無外，故有外之心不足以合天心。（大心）」

「君子於天下，達善達不善，無物我之私，循理者共悅之，不循理者共改之。改之者，過雖在人如在己，不忘自訟，共悅者，善雖在己，蓋取諸人而爲，必以與人焉。善以天下，不善以天下，是謂達善達不善。」（中正）

「必物之同者，己則異矣。必物之是者，己則非矣。大人者有實物無去物，有愛物無徇物，天之道然，天以直養萬物，代天而理物者，曲成而不害其直，斯盡道矣。（至當）稽衆舍己，堯也；與人爲善，舜也；聞善言則拜，禹也；用人惟己，改過不吝，湯也；不聞亦式，不諫亦入，文王也。」（作者）（《正蒙》）

(17) (宋) 程頤

「理天下之至公，利者衆人所同欲，苟公其心，不失其正理，則與衆同利，無侵於人，人亦與之。若切於好利，蔽於自私，求自益以損於人，則人亦與之力爭，故莫肯益之。……苟不偏己，合於公道，則人亦益之，……人爲善則千里之外應之，苟不爲善，則千里之外違之。」（《易傳》卷五「損」）

「凡生天地間者，未有不相親比而能自存者也，雖剛強之至未能獨立者也，比之道由兩志相求，……人之相親固有道，然而欲比之志，不可緩也，……衆必相比而後能遂其生，天地之間未有不相親比，而能遂者也，……相比之道以誠信爲

本，……比之始必有孚誠乃無咎也。」（《易傳》卷一「比」）

「天下大同之道，則聖賢大公之心也，……既不系所私，乃至公大同之道，無遠不同也，其亨可知，能與天下大同，是天下皆同之也。天下皆同，何險阻之不可濟，何艱危之不可亨，……君子之貞，謂天下至公大同之道，故雖居千里之遠，生千歲之後，若合符節，推而行之四海之廣，兆民之衆莫不同。」（《易傳》卷二「同人」）

「凡天下至於一國一家，至於萬事，所以不和合者，皆由有間也，無間則合矣，以至天地之生，萬物之成，皆合而後能遂，……故間隔者，天下之大害也，……使去其間隔而合之，則無不和且活。」（《易傳》卷三「噬嗑」）

「天下之理一也，途雖殊而其歸則同，憲雖百而其致則一，雖物有萬殊，事有萬變，統之以一則無能違也。」（《易傳》卷四「咸」）

「仁者無對，放之東海而準，放之西海而準，放之南海而準，放之北海而準。」

「至仁則天地爲一身，而天地之間，品物萬形爲四肢百體，夫人豈有視四肢百體而不愛者哉。」

(18) (宋) 朱熹

「向仁者以天地萬物爲一體，人物均受天地之氣而生，所以同一體，如人兄弟異形而皆出父母，所以皆當愛，惟仁者其心公溥，實見此理，故能以天地萬物爲一體否，曰愛則是自然，愛不是同體方愛，惟其同體，所以無所不愛，所以愛者，以其有此心也，所以無所不愛者，以其同體也。」

(19) (宋) 葉適

「按帝王詩書所以號名蠻夷戎狄者，以其無禮義忠信爲相別異之稱也。初不論遠近內外……」（《習學記言》卷二十，史記匈奴）

(20) (宋) 陸九淵

「東海有聖人出焉，此心同也，此理同也；西海有聖人出焉，此心同也，此理同也；千百世之上，有聖人出焉，此心同也，此理同也；千百世之下，有聖人出焉，此心同也，此理同也。」

(21) (宋) 陸游（詩句）

「乾坤均一氣，夷狄亦吾人。」

(22) (元) 起仲全

「天生烝民，寧有華夷之分哉，……蓋心形勝言，則長城爲華夏藩籬，以德化言，尙非天下一家之道也，故曰有長城則中國止於中國，無長城則天下皆中國。」（《梅峰語錄》卷下）

(23) (元) 劉壎

「人性聰明，無分華夷，詎可謂夷人有遜於中國也。」（《隱居通議》卷二十七）

「海外之國，不勝其多矣，則知世間疆土如此其闊遠也，今人惟指中國所統以爲大，直井蛙之見耳，人豈可不博覽哉。」（《隱居通議》卷二十九）

(24) (元) 陸文圭

「五方之人，言語不通，嗜欲不同，性善則一。」（《牆通類稿》卷六）

(25) (元) 蘇平仲

「愛根乎仁，……夫仁心，人皆有之，大道之行，天下皆同順也，而無不愛。」（《蘇平仲文集》卷七）

(26) (明) 王守仁

「聖人之心，視天下之人，無內外遠近，凡有血氣，皆其昆弟赤子之親，莫不安全和教養之，以遂其萬物一體之念。」（《答顧東樵書》）

「天地萬物，本吾一體者也，生民之困苦荼毒，孰非疾痛之于吾身者也……視人猶己，視國猶家，而以天地萬物為一體，求天下無治不可得矣。」（《答聶豹書》）

(27) (明) 羅洪先

「……天地生民固吾一體，未有一體而不知愛者，知愛其一體矣，則所以維持保護以不拂其心而遂其命者自不容已，知所以維持保護矣，則……民間疾苦之故其肯略而不講，忽而不行，而有若不相涉者乎……。」（《念菴文錄》答翁見海）

(28) (明) 汪應蛟

「蠻夷戎狄，皆吾同室，……皆吾並生，一民不安，若關吾疾痛，一物未遂，亦惻然不忍。」（《中詮》卷一）

「天體至大，其道至仁，唯仁所以成其大……民物一氣，華夷一家，貨不必藏，力不必私，外戶不闔，胡越相適不齎，於是天之至仁，始昭融浸於覆載間矣，故有外之見不足以合天，有我之心，不足以語聖。」（《中詮》卷一）

「天生大聖大賢，時出乎東海，時出乎西海，豈世世敬承哉。」（《中詮》卷一）

「萬國一人也，萬類一心也，可信於吾心，則可信天下之心；可慊於吾心志，則可慊天下之治。」（《中詮》）

(29) (明) 呂坤

「充一個公己公人心。便是胡越一家。」（《呻吟語》存心）

「道者天下古今共公之理，人人都有分的。道不自私，聖人不私道。……」（同上書，同篇）

(30) (明) 鄒元標

「四海皆我族類，要荒皆我種性。」（《明儒學案》「江右學案」）

「赤子就是聖賢，奴僕就是朋友，……村市可觀三代，愚民可行古禮，貧窮可認真心，痲瘋皆我同胞，四海皆我族類，魚鳥皆我天機，要荒皆我種性。」（《明儒學案》「江右學案」八）

(31) (明) 鹿善繼

「……四海兄弟之言，真是宇宙間一段真消息，豁開心胸，展放眼界，……」

「……天理原是活物，一味死執，則仁義皆成弊病，……」

「……教門不廣的，每以類拒人，豈知要論起類來，教何必有……」（《四書說約》下論卷十二，卷十五）

(32) (明) 王文祿

「世界之大，中國亦小矣，……。」（《補衍》卷一）

「天一也，道一也，應迹不同耳。釋氏生西竺，以慈爲本；孔子生東魯，以仁爲先，世與地相遠，而仁慈同，可見性一也，……海沂子曰地一也，性一也，立言不同耳，……」（《海沂子》卷五）

(33) (明) 李之藻

「……人有恒言，道之大原出於天，如西賢之道，擬之釋老則大異，質之堯舜周孔之教則略同，……」（《利聖水紀言序》）

(34) (明) 王徵

「西儒寓我中華，我輩深交，固真知其賢矣，第其人越在遐荒萬里外，不過西鄙一儒焉耳，奚爲偏嗜篤好之若此，余應之曰，學原不問精粗，總期有濟於世，人亦不問中西，總期不違於天，……夫西儒在茲多年，士大夫與之遊者，靡不心醉神怡，……諸賢寥寥數輩，胥皆有道之儒。」（《遠西奇器圖說》序）

(35) (明) 陳儀

「道寧有異同哉……夫西國去中國數萬里，開闢以來，座譯未通言語文字不同，一旦慕挾所懷來譯以中國之文乃與古聖賢敬天畏天之旨若爲發明，若加真切，……」（《性學摘述序》）

(36) (明) 胡承詒

「聖人於人，如天地生物，各從其種類性情，而不私焉。處己爲人，其心一致，推之天下，無不得其所者，是謂道也。……」（《繹志》十一，人道篇）

(37) (明) 朱之瑜

「貴國（時）……才賢秀出，恂恂儒雅，……豈孔顏之獨在中華，而堯舜之不生於絕域。」（《舜水遺書文集》卷九）
「世人名曰古人高於今人，中國勝於外國，實眼界過窄」（《舜水遺書文集》）